



COMUN DI CJAMPFUARMIT

Provincie di Udin

Plaçâl dal Municipi, 9 - 33030 Cjampfuarmit (P.I. 00485010300 - C.F. 80004790301)

telefon 0432/653511 - fax 0432/663581

REGOLAMENT COMUNÂL DAL VOLONTARIÂT SINGUL IN ATIVITÂTS SOCIALMENTRI UTILIS

Cheste minude e je stade esaminade de Comission pe Revision dal Statût e dai Regolaments inte sentade dai 11.03.2002.

Al è in zonte ae deliberazion dal Consei Comunâl n. 24 dai 25 di Març dal 2002.

Art. 1 - Cjamp di aplicazion

1. Il regolament presint al vûl valorizâ in forme sperimentâl la opare dal volontariât individuâl.
2. La opare dai volontaris singui e je relative aes ativitâts integrativis dai servizis di competence comunâl che no puedin jessi gjestidis in convenzion cu lis organizacions di volontariât che a son iscritis intal specific registri regionâl, par inesistence di chescj sogjets intal teritori comunâl o par lôr indisponibilitât o par mancjance di relacion de ativitât puartade indevant dai midiesims cu lis ativitâts ogjet dal rapuart.
3. I volontaris no puedin jessi destinâts aes ativitâts che a compuartin pericui di gravitât particolâr o, in ogni câs, aes ativitâts che a puedin comprometi la incolumitât psico-fisiche in relacion aes carateristichis individuâls.
4. La instaurazion di rapuarts cui volontaris singui no pues compuartâ la sopression di puecj de dotazion organiche, e nancje la rinuncie ae cuvierture dai puecj vacants, e nancje prejudicâ il respiet de normative in vore in materie di colocament obligatori des categoriis protetetis.
5. No je ametude la opare volontarie di dipendents dal Comun.

Art. 2 - Stât juridic dai volontaris

1. Lis ativitâts che a son ogjet dal Regolament presint a àn caratar di occasionalitât: di fat i volontaris no son vincolâts a nissun oblic di prestazions lavorativis cu la Aministrazion Comunâl.
2. Cheste ativitât e scuen vê il caratar de complementaritât ocasionâl e, cun di plui, e scuen mantignî il requisît de no obligatorietât pal personâl assegnât: di fat il volontari disponibil nol dovarà jessi vincolât a un oblic precîs di prestazion lavorative e nancje a oraris fis intes prestazions.
3. La colaborazion dai volontaris, in ativitâts socialmentri utilis, in nissun câs e podarà costituî cundizion o supuest pe sostituzion des mansions propriis dal personâl dependent.
4. Il davuelziment di ativitâts socialmentri utilis nol podarà mai assumi lis carateristichis dal rapuart di lavôr subordenât, e nancje al podarà jessi considerât titul par acedi a pozisions di implei public di cualsisei nature.
5. Lis personis, che za a operin in mût no ocasionâl, tant che volontaris, in organizacions di volontariât che a son iscritis intal specific registri regionâl, a puedin colaborâ cul Comun nome in ordin aes ativitâts istituzionâls che no fasin part des competencis de organizazion di apartignince.
6. La Aministrazion Comunâl si impegne, cun di plui, a promovi ducj i moments e lis occasions pussibii di confront tra il volontari organizât e i volontaris singui, par permeti a chescj ultins di capî lis solecitazions complessis e ricjjs che la vite associative e ufrîs.

Art. 3 – Presentazion des domandis

1. Ae prestazion des ativitâts socialmentri utilis a puedin jessi ametûts i citadins di ducj e doi i ses che a sein residents intal Comun di Cjampfuarmit e a sein titolârs di pensions di anzianitât, di vecjaie o di invaliditât, o che a vebin passât i sessante agns di etât; o, gjavant chescj supuescj, i câs sociâi particularmentri meritevui di atenzion, che a son introdots e seguîts dai assistents sociâi.
2. I sogjets interessâts a puartâ indevant ativitâts socialmentri utilis a dovaran presentâ une domande specifiche al Comun di Cjampfuarmit.
3. Ae domande al dovarà jessi zontât un certificât dal miedi che al atesti la idoneitât psico-fisiche dal volontari par fâ lis ativitâts a lui assegnadis.
Chest certificât al vegnarà conservât li dal Servizi Personâl dal Comun, al dovarà jessi rinovât ogni an par cure dal volontari e al dovarà jessi integrât di un libret sanitari oportun pai impleis dulà che chest al vegni espressionmentri domandât.

Art. 4 – Liste di disponibilitât

1. Il Responsabil dal Servizi Personâl al predisponarà une liste di disponibilitât, in ordin cronologic, par individuâ chês personis che, pe lôr specificitât, a puedin ricevi une proposte di inseriment intes ativitâts che za a cognossin.
2. Inte liste a scuegnin jessi indicadis:
 - a) lis gjeneralitâts completis dal volontari;
 - b) lis opzions, che a son stadis esprimudis al at de domande di iscrizion, in ordin aes ativitâts che il volontari al intint fâ pal Comun e ae disponibilitât in tiermins di timp libar;
 - c) lis specifichis cognossincis tecnicis e praticis in possès dal volontari, lis esperiencis che a son stadis maduridis dal midiesim o, eventualmentri, i titui professionâi, su la fonde des declarazions che a son stadis fatis dal volontari stes al at de domande di iscrizion.
3. I Responsabil dal Servizi Comunâl, dulà che i voluntaris a domandin di prestâ la lôr opare, a puedin invidâ chel che al presente la domande a un colouci par vê plui elements pe valutazion de domande e par verificâ lis predisposizions e lis capacitâts individuâls in relacion ai servizis che il volontari al à sielt.
4. Intal câs che il numar dai voluntaris disponibii a une ben determinade ativitât al sei superiôr a ce che al covente, il responsabil dal servizi al podarà valutâ la pussibilitât, ancje provisorie, di diminuî lis zornadis dai singui voluntaris, par consintî l'acès a un numar superiôr dai sogjets che a àn presentât domande al Comun.
5. I Servizis che a volaran avalêsi de opare dai voluntaris par progjets specifics, ancje di pocje durade, a dovaran segnalâ la domande al Servizi Personâl dal Comun.
6. I inseriments dai voluntaris invalits o dai câs sociâi a vignaran decidûts adun cul assistent sociâl, che al podarà ancje contribuî ae individuazion des ativitâts di puartâ indevant.

Art. 5 – Modalitât di davuelziment des ativitâts

1. I voluntaris singui, che a operin in colaborazion cu la Aministrazion par une o plui des ativitâts indicadis intal art. 9, si coordinin cuntun operadôr public par ogni Servizi (che in mancjance di individuazion diferente di bande dal Responsabil dal Servizi al è il stes Responsabil), e a chest ultin al compet:

- a) aciertâ, diretementi o par mieç dai servizis publics competents, che i voluntaris inserîts intes ativitâts a sein in possès des necessaris certificazions technichis e praticichis, o des idoneitâts psico-fisichis che eventualmentri a coventin par puartâ indevant lis ativitâts specifichis;
- b) controlâ che lis ativitâts a sein fatis cun cure e verificâ che i voluntaris a rispietin i dirits, la dignitât e lis opzions dai utents e/o fruitôrs eventuâi des ativitâts stessis e che chestis ultimis a vegnin puartadis indevant cun modalitâts coretis inte tecniche e, intal câs che a sein previodudis, intal rispiet des normativis specifichis dal setôr;
- c) verificâ i risultâts des ativitâts che a son stadis previodudis;
- d) mantignî i colegaments cu la assistent sociâl che e pues seguî l'inseriment dal volontari;
- e) mantignî i colegaments cul Servizi Personâl, cun chê di curâ il control e la trasmission des zornadis di ativitât pal rimbors des spesis.

2. Al inizi des ativitâts il Responsabil al prepare, in cunvigne cui voluntaris, il program operatîf pe realizazion des ativitâts stessis. Il Responsabil dal Servizi e i singui voluntaris a sottoscrivin a chest fin un acuardi specific che al rivuarde:

- a) *pal Comun*
 - a.1) la definizion des modalitâts e dai timps di realizazion dai projets dulà che a partecipin i voluntaris, tegnint presint che ducj i voluntaris a puedin decidi il caratar contingjent dal lôr intervent;
 - a.2) la declarazion che lis prestazions voluntariis no sostituissin, in nissun mût, chês dai lavoradôrs autonomis o dependents;
 - a.3) la declarazion che nissun rapuart di lavôr al è presint tra la Aministrazion Comunâl e i voluntaris in relazion aes ativitâts puartadis indevant di chescj;
 - a.4) la assunzion des spesis di assicurazion dai voluntaris cuintri il pericol di infortunis e di malatiis colegadis al davuelziment des ativitâts, o ben pe responsabilitât civîl viers tierçs;
 - a.5) l'implei a corispuindi ai voluntaris il rimbors forfetari su la fonde dal regolament presint;
- b) *pai voluntaris*
 - b.1) la declarazion che lis ativitâts a vegnin puartadis indevant nome par fins di solidarietât e che lis stessis a no son paiadis, cence nissun caratar di prestazion lavorative dependent o professionâl;
 - b.2) la acetazion di operâ inte sfere dai programs puartâts indevant de Aministrazion in forme coordenate cul Responsabil dal Servizi, cu la assicurazion di une continuitât adeguade dal intervent, pal periodi di timp che al è stât stabilît, e cu la disponibilitât aes verificichis concuardadis;
 - b.3) la declarazion di operâ intal plen rispiet dal ambient e des personis che a son ogjet de ativitât.

3. I voluntaris a rispietaran lis disposizions concuardadis cul Responsabil par ce che al rivuarde lis modalitâts di davuelziment des ativitâts e l'ûs dai struments necessaris.

4. I singui voluntaris a scuegnin vê, par cure de Aministrazion Comunâl, un cartelin pe lôr identificazion che al à di jessi puartât in mût ben visibil e che al à di permeti ae utence, o in ogni câs ae citadinance, di ricognossi subit ogni volontari.

5. Intal câs che lis ativitâts indicadis intal art. 9 a domandin pe lôr realizazion competencis particolârs e specifichis, che a son diviersis di chês za in possès dai voluntaris, la Aministrazion si impegne a furnî ocasions concretis di formazion e di inzornament, daûr des modalitâts che a son stadis stabilidîs cui voluntaris stes.

Chescj ultins a saran tignûts a partecipâ a dutis lis iniziativis soreditis.

6. Lis ativitâts socialmentri utilis a son organizadis a turnis che no puedin superâ lis trê oris a zornade, cuntun massim di disevot oris par setemane.

7. Par determinadis ativitâts, tant che la vigilance a mostris e manifestazions, a puedin jessi previodûts turnis festîfs e pre-festîfs o turnis seriâls; no son ametûts in nissun câs i turnis in oraris di gnot e par plui di sîs prestazions setemanâls.

8. I Responsabii dai Servizis, che a àn vût la assegnazion dai voluntaris, a scuegnin organizâ e gjestî la ativitât di chescj, e rilevâ, intal stes timp, lis presincis efetivis ai fins dai rimbors forfetaris che a spietin a ognidun.

9. Ogni mêis ducj i Servizis a prepararan lis listis dai voluntaris che a ricevin lis incarghis, cu la indicazion, par ognidun, des competencis relativis e cu la segnalazion di cessazions eventuâls di prestazions di opare.

Chestis listis a vignaran, duncje, trasmetudîs al Servizi Personâl par permeti la gjestion puntuâl des stessis.

10. Par garantî la necessarie programazion des ativitâts e gjavant ce che al è stât disponût dal precedent come 2 dal art. 2, i voluntaris a dovaran impegnâsi par furnî cun continuitât lis prestazions, pal periodi concuardât prime, pûr mantignint il caratar ocasionâl dal rapuart; i voluntaris a si impegnaran a dâ al responsabil dal Servizi, li che a prestin la proprie opare, une comunicazion imediade des interuzions che, par motîfs valits, a puedin saltâ fûr cuant che si puarte indevant une ativitât.

11. La Aministrazion e je tignude a comunicâ subit ai voluntaris ogni event che al puedi incidi sul davuelziment des lôr ativitâts.

Art. 6 – Ricompensis e rimbors

1. La ativitât di ogni volontari no pues jessi paiade de Aministrazion Comunâl, e nancje dai singui beneficiaris eventuâi de ativitât.

2. A pet des spesis sostignudis pe prestazion de proprie ativitât, al vignarà dât a ogni volontari un rimbors forfetari di Euros 8,00 in dut par ogni zornade efetive di ativitât prestade, cence contâ la durade de prestazion stesse.

3. Cun delibare di Zonte cheste cifre a podarà jessi inzornade anualmentri su la fonde dal tas di inflazion rilevade intal an precedent o intal câs che si rilevi la necessitât di un adeguament dal rimbors forfetari des spesis.

Art. 7 – Cuvieriduris assicurativis

1. Ducj chei che a prestin la proprie opare par ativitâts socialmentri utilis a àn une assicurazion, cun spese a caric de Aministrazion Comunâl, cuintri i pericui di infortuni che a puedin capitâ in servizi o dilunc i viaçs, e ancje cuintri i pericui di responsabilitât civil viers tierçs, in consequence al davuelziment des mansions a lôr afidadis.

2. Ai voluntaris, che a son impegnâts su la fonde dal Regolament presint, a vignaran furnîts, pal ûs e a caric de Aministrazion Comunâl:

- a) i vistîts necessaris par puartâ indevant lis diviersis ativitâts sociâls;
- b) il traspuart su mieçs publics o dal Comun pai spostaments necessaris al davuelziment des mansions propriis.

3. I voluntaris a puartin indevant la lôr ativitât in conformitât cun ce che al è disponût dal Decret Legjislatîf n. 626 dal 1994 e modificazions e integrazions seguitivis, doprant par chest fin, cuant che al covente, il vestiari cuintri i infortunis e i dispositîfs di protezion individuâi che a son furnîts dal Comun.

Al sarà cure dal responsabil dal Servizi Tecnic e de Manutenzion informâ i voluntaris sul contignût de normative in vore in materie di sigurece sul lavôr e sul mût di doprâ chescj dispositîfs individuâi di protezion.

Art. 8 – Cessazion des ativitâts

1. I voluntaris a vignaran scancelâts des listis:

- a) par lôr rinuncie esprimude;
- b) par pierdite aciertade dai requisîts e des cundizions necessariis pe iscrizion;
- c) par negligjencis gravis intal davuelziment des ativitâts, che a risultin di une comunicazion scrite dal responsabil dal Servizi o di bande dai utents des prestazions;
- d) par dinei ripetût e cence motivazions a puartâ indevant lis ativitâts che a son stadis a lôr afidadis.

2. I voluntaris a si impegnaran a dâ al Comun une comunicazion tempestive de rinuncie eventûâl ae prosecuzion de esperience di volontariât.

Art. 9 – Cjamp di implei des prestazions di volontariât

1. I Servizis, dulà che si pense di podê previodi la esplicazion des ativitâts socialmentri utilis, a son plui o mancul:

- a) la vigilance e il control li dai edificis scolastics citadins, al fin di tutelâ la sigurece dai fruts ae jentrade e ae jessude di scuele, e la assistance sui scuelebus;
- b) la assistance aes mensis intes scuelis elementârs;
- c) i compits di piçule manutenzion dai uficis publics e dal vert public, par permeti une fruizion plui buine di bande de coletivitât;
- d) la manutenzion e la custodie dai monuments, dai parcs, dai zardins e des eventûals struturis sportivis che a dipendin di chei;
- e) la conduzion di laboratoris comunâi, a caratar artisanâl, cun funziions didatichis e di produzion di materiâl pal insegnament;

- f) i compits di control e di vigilance inte biblioteche, intes mostris eventuâls o in iniziativis similis, cul fin di consintî une fruizion plui grande di bande dai utents;
- g) la conduzion e la cure dai zardins, dai orts o dai piçui arlevaments che a son anetûts aes scuelis o a altris edificis publics;
- h) la custodie, la vigilance e la manutenzion dal vert des areis dal cimiteri;
- i) la colaborazion aes ativitâts e ae realizazion des iniziativis promovudis dal Comun;
- j) la ativitât di supuart e di colaborazion intai Servizis de Aministrazion;
- k) la assistence ai anzians, ai handicapâts e aes altris categoriis emargjinadis in aiût al personâl dai servizis socio-sanitaris;
- l) la ativitât di supuart al inseriment des fameis che a vegnin dal forest;
- m) l'insegnament in cors professionâi e in iniziativis di caratar culturâl;
- n) la colaborazion ai progjets specifics che a vegnin predisponûts dai varis Servizis. A conclusion dal projet il volontari al restarà a disponibilitât inte liste dal Comun, cence che al sei necessari tornâ a presentâ la domande;
- o) la colaborazion aes ativitâts socialmentri utilis che a son convenzionadis cu la Aministrazion Comunâl.

Art. 10 – Informazion su la ativitât dai volontaris

1. I Responsabii dai Servizis interessâts a trasmetin ogni an, al Sindic e ae Zonte, une relazion detaiade su la ativitât che e je stade puartade indevant dai volontaris.
2. Ogni an la Aministrazion Comunâl e fasarà tante pubblicitât sul operât che al è stât puartât indevant dai volontaris.

TABELE

<i>Art. 1 – Cjamp di aplicazion</i>	<i>pag. 2</i>
<i>Art. 2 – Stât juridic dai volontaris</i>	<i>pag. 2</i>
<i>Art. 3 – Presentazion des domandis</i>	<i>pag. 3</i>
<i>Art. 4 – Liste di disponibilitât</i>	<i>pag. 3</i>
<i>Art. 5 – Modalitât di davuelziment des ativitâts</i>	<i>pag. 4</i>
<i>Art. 6 – Ricompensis e rimbors</i>	<i>pag. 5</i>
<i>Art. 7 – Cuvierduduris assicurativis</i>	<i>pag. 6</i>
<i>Art. 8 – Cessazion des ativitâts</i>	<i>pag. 6</i>
<i>Art. 9 – Cjamp di implei des prestazions di voluntariât</i>	<i>pag. 6</i>
<i>Art. 10 – Informazion su la ativitât dai volontaris</i>	<i>pag. 7</i>